

## Хойрдгч кварталин зура кўцагдв

Астраханск областин Икрянск района загъсна колхозмуд болн салгудар, эврәннь тōрскн газр-уснур, медджкедж йовсн кōдлмшән кехәр кесг олн хальмг ѳрк-бўл ирдж орцхав. Тегад Икрянск загъсна салгт нидн намр загъс бәрх хальмг бригад бурдәв. Эн бригадт арвн хойр кўн кōдлнә. Загъс ягъдж бәрдгиг багъчудт дасхдг Санъгъдж-Гәрән Пурвә болн Сенъкән Дордж гидг хойр ѳвгн кōдлнә. Эдн багъчудан дахулдж шунмгъа сән кōдлмшәрн 1956-ч джилә загъсна зураг гурвн сарин дунд кўцадж давулснднь салгин директор кўн болгъиг 250-д арслнъ мōнъгәр мōрәллә.

1957-ч джилин хойрдгч кварталин загъсна зураг нег са-

рин дунд 200-250 процент кўцадж. Бригадир Санъгъдж-Гәрән Пурвә эврәннь нōкдмүдтәгъән загъс бәрлгәнә джилә зурагъан Алдр Октябрьск социалистическ революцин 40-ч ѳдн кўртл кўцадж, джилчилтл 150-160 процент кўцахәр зўткджәнә.

Эн салгт Лавлан Ивана таачк тўлклгәнә бригадт 6 кўн кōдлнә. Эднә бригад эврәннь шунмгъа кōдлмшәрн загъсна зурагъан ѳдр болгън 175-160 процент кўцәнә. Загъсна салгт кōдлмш келгъәрн негдгч нертә бригад болсн тōләднь, салгин директор, тўрун нуурт йовдг әмтсд ѳгдг загъсна салгин дарцг ѳгч, унтә белгәр ачлв. Цааранднь ѳдрә ноорман хойр холванднь кўцахәр эн бригад зўткджәнә.

**ЭЛДАН ЭРДНЬ.**